

香港華人史略

黃慕松題

序

曩史官世其家。崇其位。厚其祿。史之重可知也。周末，孔子修春秋。正名份。嚴一字之褒貶。使君君臣臣。以喜以懼。史事遂屬學者。喀萊爾（Carlyle）謂世之史。大人先生傳記耳。華夏自司馬作列傳。始易左傳紀一事物。而傳大人先生也。傳，傳也。其道可稽。其德可據者也。昔儒以德，言，功。苟有一可式世者。胥足傳。傳固非易也。史，執正而持中。司馬遷寧逆漢武以獲罪。不易。『今上本紀』。持史筆者不畏禍。毋刼於勢。不喜功。毋誘於利。然後其義生。史之信亦難矣哉。宗兄醒濂，幼嘗同學鳳山書院。長嘗共事修來學校。既橐筆海上。曾遍遊歐美各大埠。以稽華人海外掌故。曾成『美國檀山及菲島華僑合誌』諸書。世頗有嘉其勾稽得間。使遠民之德。弗潛於世者。吾兄今復以修『香港華人名人史畧』告，梅鶴曰，史為德音。音出宜響乎其聲。英人哥德斯密（Godsmith）謂『史應孚道德，生產，智力』。德人陸宰（Lohse）張為慎察智力，產業，美術，宗教，政治五者。而史之響。乃應乎其聲。夫聖賢尤以博選為本。以正世為用。人益顯其誠能。其道乃弗可去。兄之述。其有志於斯乎。則豈局於一地一世。直百世之器矣。

民國廿五年十二月中山梅鶴吳昶昌謹叙